

14 SEP 1998

Agong-Tahniah

AGONG UCAP TAHNIAH KEPADA LIMA NEGARA SEMPENA KEMERDEKAAN

KUALA LUMPUR, 14 Sept (Bernama) -- Yang di-Pertuan Agong Tuanku Ja'afar mengirimkan ucapan tahniah kepada lima presiden di Amerika Tengah dan Caribbean sempena hari kemerdekaan negara masing-masing pada 15 Sept.

Menurut kenyataan Wisma Putra, Seri Paduka Baginda dan Raja Permaisuri Agong Tuanku Najihah mengucapkan selamat kepada Presiden Costa Rica, Dr Miguel Angel Rodriguez Echeverria dan mengharapkan negara itu sentiasa dalam keadaan aman dan makmur.

Tuanku Ja'afar juga mengirimkan ucapan yang serupa kepada Presiden El Salvador, Dr Armando Calderon Sol; Presiden Guatemala, Alvaro Arzu Irigoyen; President Honduras, Carlos Roberto Flores dan Presiden Nicaragua, Dr Arnoldo Aleman Lacayo.

Perdana Menteri Datuk Seri Dr Mahathir Mohamad turut mengirimkan ucapan tahniah kepada Dr Echeverria.

Dr Mahathir berkata beliau yakin hubungan persahabatan antara kedua-dua negara dapat dipertingkatkan lagi pada masa-masa yang akan datang.

Beliau juga menghantar ucapan serupa kepada keempat-empat ketua negara yang lain itu.

Menteri Luar Datuk Seri Abdullah Ahmad Badawi dalam ucapan tahniahnya kepada rakan sejawatannya dari Costa Rica, Roberto Rojas Lopez menyatakan gembira atas hubungan erat antara kedua-dua negara selama ini dan yakin hubungan itu dapat dipertingkatkan lagi.

Beliau juga mengirimkan ucapan serupa kepada rakan sejawatannya Ramon Gonzales Giner dari El Salvador, Dr Eduardo Stein Barillas dari Guatemala, Fernando Martinez dari Honduras dan Eduardo Montealegre dari Nicaragua.

-- BERNAMA

HAK KHY